



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNICA**

Broj: 01/14-04-6801-1/24  
Sarajevo, 09.10.2024. godine

Na osnovu člana 42. Statuta Grada Sarajeva („Službene novine Kantona Sarajevo”, broj 7/23), gradonačelnica Grada Sarajeva donosi:

### **ZAKLJUČAK**

1. Utvrđuje se Prijedlog Odluke o zaduženju gradonačelnici Grada Sarajeva za davanje podrške i iznalaženje novčanih sredstava radi finansiranja aktivnosti Udruženja stomatologa u Federaciji BiH /Asocijacija studenata stomatološkog fakulteta u Sarajevu u svrhu opremanja svlačionica sa ormarićima za studente Univerziteta u Sarajevu Stomatološkog fakulteta sa stomatološkim kliničkim centrom.
2. Predlaže se Gradskom vijeću Grada Sarajeva da Odluku iz tačke 1. Zaključka razmatra po hitnom postupku, u skladu sa članom 127. Poslovnika Gradskog vijeća Grada Sarajeva, obzirom da za donošenje ovog akta postoji neodložna i hitna potreba te bi donošenje akta u redovnom postupku dovelo do nepotrebnog odugovlačenja u odlučivanju o ovom pitanju, a prevashodno cijeneći značaj i sadržinu predložene Odluke, prije svega značenje navedenog udruženja za cijelu lokalnu zajednicu.

Rukovodilac Stručne službe za poslove  
kabineta i poslove Gradske uprave,  
**Dženana Šarčević, dipl. iur.**

**GRADONAČELNICA**

**Prof. dr. Benjamina Karić**

**Adresa:** Hamdije Kreševljakovića 3  
71 000 Sarajevo  
**Tel.:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

### **Odluka**

**o zaduženju gradonačelnici Grada Sarajeva za davanje podrške i iznalaženje novčanih sredstava radi finansiranja aktivnosti Udruženja stomatologa u Federaciji BiH /Asocijacija studenata stomatološkog fakulteta u Sarajevu u svrhu opremanja svlačionica sa ormarićima za studente Univerziteta u Sarajevu Stomatološkog fakulteta sa stomatološkim kliničkim centrom  
(Prijedlog)**

**Predlagač:** Gradonačelnica

**Obrađivač:** Stručna služba za poslove kabineta  
i poslove Gradske uprave

**Sarajevo, oktobar 2024. godine**

**Adresa:** Hamdije Kreševljakovića 3  
71 000 Sarajevo  
**Tel.:** +387 33 216 659  
**Fax:** +387 33 205 874  
**Email:** [gsgv@sarajevo.ba](mailto:gsgv@sarajevo.ba)  
**Web:** [gradskovijece.sarajevo.ba](http://gradskovijece.sarajevo.ba)



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva, na 43. sjednici održanoj dana 09.10.2024. godine, donijelo je:

**(Prijedlog)**

### **Odluka**

**o zaduženju gradonačelnici Grada Sarajeva za davanje podrške i iznalaženje novčanih sredstava radi finansiranja aktivnosti Udruženja stomatologa u Federaciji BiH /Asocijacija studenata stomatološkog fakulteta u Sarajevu u svrhu opremanja svlačionica sa ormarićima za studente Univerziteta u Sarajevu Stomatološkog fakulteta sa stomatološkim kliničkim centrom**

#### **Član 1.**

Zadužuje se gradonačelnica Grada Sarajeva da shodno zakonu i drugim propisima razmotri mogućnost podrške i novčane pomoći Grada Sarajeva Udruženju stomatologa u Federaciji BiH /Asocijaciji studenata stomatološkog fakulteta u Sarajevu za potrebe opremanja svlačionica sa ormarićima za studente Univerziteta u Sarajevu – Stomatološkog fakulteta sa stomatološkim kliničkim centrom u iznosu od 62.991,63 KM.

#### **Član 2.**

Sredstva iz člana 1. ove Odluke će biti obezbjeđena u Budžetu Grada Sarajeva za 2024. godinu.

#### **Član 3.**

Sa Udruženjem iz člana 1. ove Odluke zaključit će se poseban Sporazum kojim će detaljno regulisati međusobna prava i obaveze.

#### **Član 4.**

Ova odluka stupa na snagu danom donošenja, a bit će objavljena u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA**

**Jasmin Ademović**

**Broj:  
Sarajevo, 09.10.2024. godine**

## **OBRAZLOŽENJE**

### **PRAVNI OSNOV**

Pravni osnov za donošenje Odluke sadržan je u članu 31. stav 1. tačka b) Statuta Grada Sarajeva („Službene novine Kantona Sarajevo“, broj 7/23), kojim je propisana nadležnost Gradskog vijeća za donošenje odluka, drugih propisa i općih akata, kao i davanje njihovog tumačenja.

### **RAZLOZI DONOŠENJA**

Gradu Sarajevo i Gradskom vijeću Grada Sarajeva u ranijem periodu molbama za pomoć i podršku obratilo se Udruženje stomatologa u Federaciji BiH za dodjeljivanje sredstava kako bi putem ovog Udruženja i putem Asocijacije studenata Stomatološkog fakulteta u Sarajevu opremile svlačionice sa ormarićima za studente Univerziteta u Sarajevu – Stomatološkog fakulteta sa stomatološkim kliničkim centrom.

Na ovaj način mladim studentima bi se omogućila adekvatna svlačionica i tako stvorili uslovi za nesmetano održavanje nastave.

U molbi je navedeno da sredstva koja su potrebna za naprijed navedene svrhe iznose 62.991,63 KM.

Očigledno je da bi realizacija traženog u velikoj mjeri doprinijela kvalitetnijem obavljanju obrazovne i zdravstvene djelatnosti, te da bi bila od značaja i od velike koristi studentima ovog fakulteta, budućim doktorima dentalne medicine.

Polazeći od činjenice da je Grad Sarajevo uvijek u skladu sa svojim mogućnostima podupirao obrazovni sistem, a naročito ulaganjem u naše srednjoškolce i studente, to se i realizacija traženog može smatrati opravdanom.

Temeljem navedenog, Prijedlog Odluke o zaduženju gradonačelnici Grada Sarajeva za davanje podrške aktivnostima Udruženja stomatologa u Federaciji BiH /Asocijacija studenata stomatološkog fakulteta u Sarajevu, dostavlja se Gradskom vijeću Grada Sarajeva na razmatranje i odlučivanje.

### **FINANSIJSKA SREDSTVA**

Za realizaciju Odluke sredstva će biti obezbjeđena u Budžetu Grada Sarajeva za 2024. godinu.